


Divendres,
24 d'abriu de 2020

eth TRICICLE



ELEFANTS EN PERILH EN TAILÀNDIA



Tailàndia ei un país asiatic¹ que recep fòrça toristes. Sòlen visitar uns parcs a on i a elefants. Aquesti parcs an rebut fòrça critiques, pr'amor qu'és animaús patissen. Les separen des mairs quan son petiti, se domesticquen² e les obliguen a passejar toristes ena esquia o a hèr espectacles d'acrobàcies.³



▲ Un elefant passeja a dus toristes

Ara a apareishut un aute problèma. Damb era pandèmia⁴ deth coronavirus, era gent non pòt viatjar ne visitar lòcs. Per aquerò, aquesti parcs ja non reciben visitants que paguen entrada. Açò harà que cada còp agen mens sòs entà crompar minjar entàs elefants.

Es defensors des animaús demanen qu'eth Govèrn s'assegure⁵ qu'és elefants poguen minjar. Tanben rebremben que non se les pòt deishar liures, pr'amor que ja non saben viúer en libertat. Fin finau, demoren qu'és elefants poguen viúer ben cuedadi enes parcs e que non les obliguen a hèr causes entàs toristes.



Com acostumen a tractar as elefants enes parcs de Tailàndia? | Quin problèma an ara tanben es animaús d'aquesti parcs? | Quines activitats damb animaús penses que non s'aúrien de poder hèr.



PRUMÈRES MESURES DE DESCONFINAMENT⁶



Poderien èster diferents segontes era comunitat autonòma⁷

Es normes sus eth confinament comencèren a cambiar eth dia 13 d'abriu, quan se permetec que mès personas podessen tornar tath trabalh. Ara s'a començat a parlar tanben de ues autas mesures tà que se pogue començar a gèsser de casa en d'auti casi.

Ua des que s'a estudiat ei establir⁸ uns oraris tà qu'a compdar deth 27 d'abriu es mainatges e mainades poguen gèsser de casa a caminar acompanyadi d'un adult. Aquerò òc, en tot seguir encara es normes de seguretat, coma mantier era distància entre personas e portar mascareta. Tanpòc poderàn anar tàs tobogans, balançaders o d'auti jòcs.

Eth desconfinament serà progressiu⁹ e non se pòt saber encara com evolucionarà. Era rason ei que depen de com amendràn es contagis e deth risc que tornen a aumentar. Tanben se pòden préner mesures diferents en cada lòc, ja que non pertot i a eth madeish nombre de malauts, e tanpòc ei çò de madeish viúer en ua casa en miei dera montanha qu'en ua ciutat plea de gent.



Quines son es prumèras mesures de desconfinament que i a agut? Perqué eth desconfinament seguraments non serà parier pertot? Com viues eth confinament? Ès d'acòrd ena manèra com se harà eth desconfinament? Perqué?

asiatic: d'Àsia.

domesticar: hèr qu'un animau hès-que cas as personas.

acrobàcia: exercici d'abilitat fisica, coma sauts, equilibris, etc.

pandèmia: malautia que s'a contagiada a fòrça personas e en fòrça païsi.

assegurar-se: controlar que quau-quarren se hèsque.

desconfinament: hèt de gèsser deth confinament.

comunitat autonòma: cada ua des regions en qué se dividís Espanha.

establir: fixar, marcar.

progressiu: que non se hè de còp, mès pòc a pòc.



VOCABULARI




MASCARETES TÀ TOTI

I a agut problèmas ena distribucion



Era Generalitat ja a enviat mascaretas as farmàcies tà que les distribuïsqen entre era poblacion. Pòrten tres capes, filtren¹ es fluïds² e son dessenhades tà que qui ne pòrte non encomane, mès non entà evitar contagiar-se. Non substituïssen as mesures de seguretat: lauar-se es mans e mantier un mètre entre es personas. Damb era targeta sanitària, cada ciutadan poderà recuèlher ua mascareta de franc³ e, mès tà deuant, ua auta que costarà 0,76 €.



▲ Recueilhuda de mascaretas en ua farmàcia

filtrar: hèr a passar un liquid o gas per un filtre entà que ne retengue es particules.

fluïd: liquid.

de franc: gratis.

distribucion: repartiment.

defectuós: que non ei com aurie d'èster o que non foncione ben.

estressant: que hè a passar nèrvis, inquietud.

mès de bon passar: agradable, acceptable.

limitat: damb limits, qu'aucepe sonque un temps o espaci concrèt.

visuau: referit as uelhs e era vista.



Proposicion de videojòcs der Ara Criatures:
<https://bit.ly/2x4MUw4>

Ath delà, s'a descorbit ua partida de mascaretas defectuoses⁴ que s'an agut de retirar perque non complissen cap des normes que mèrquen es autoritats. Açò provòque qu'era persona que la pòrte demore desprotegida en pòques minutes.



Quines caracteristiques an es mascaretas que se distribuïssen ara poblacion? | Quini problèmas s'an trobat damb era distribucion des mascaretas? | Com te hèn a sènter aquestes notícies? Justifica'c.



VIDEOJÒCS E CONFINAMENT

Jogar a videojòcs ei ua manèra de desvagar-se


Hè ans qu'es videojòcs son un des entreteniments preferidi de fòrça joeni e mainatges, e eth confinament encara les a tornat mès atractius. Com que non pòden hèr activitats dehòra de casa, ara i jòguen mès ores. Ath delà, i a jòcs entà toti es gusti, des dera FIFA de fòtbòl enquiath *Clash Royale* de combat e estratègia, o eth relaxant viatge de *Journey*.

Entà bères personas, eth confinament ei estressant⁵, e es videojòcs pòden èster ua ajuda entà hèr-lo de mès bon passar⁶. En tot jogar, mos desbrembam per ua estona des males notícies. Ath delà, i a videojòcs que mos permeten jogar damb es amics a distància, de forma que podem parlar-i e passar ua estona agradiua damb eri, encara que non les ajam ath costat.

Es expèrts, mètges e psicòlògs avertissen que cau hèr-ne un usatge responsable: s'a d'establir un orari limitat⁷ entàs videojòcs, entà non jogar-i massa estona cada dia, atau coma alternar aquesta diversion damb d'autes activitats. Ei important entà non tornar-mos-i addictes e tara nòsta salut visuau⁸.



Quini avantatges an es videojòcs pendent eth confinament? | Quines precaucions mos cau auer jogant a videojòcs? | Se t'auesses d'inventar un videojòc, de qué anarie?



▲ Mainades en casa damb ua tauleta



UN SANT JÒRDI DIFERENT



Era jornada de Sant Jòrdi ei ua hèsta de libres e ròses fòrça estimada en Catalonha. Mès, segur, qu'enguan non a podut celebrar-se com tostemp. Damb eth confinament, non auem podut anar tàs floristeries ne tàs librerias, ne passejar entre parades en carrèr. Totun, i a agut bères idees entà poder celebrar Sant Jòrdi de ua auta manèra.

Ua des iniciatives¹ que s'a prepausat ei celebrar-lo eth dia 23 de junhsèga. S'era situacion deth coronavirus ac permet, serà ua manèra de recuperar era hèsta. Per un aute costat, fòrça gent a decidit hèr comandes² as librerias per internet entà recuelher-les quan poquen daurir. D'aquesta manèra, tanben ajudam as librerias, qu'an agut d'èster barrades.

Se vos interèsse auer recomanacions de libres, vos aconselham que consultetz, enes ligams, es de dues librerias especializadas³ en literatura entà mainatges e joeni. E tanben podetz demanar de prèst libres digitau⁴ en eBiblio, entà lieger-les ena tauleta o en ordenador.

? Què a agut de diferent aquest Sant Jòrdi? | Quines idees i a agut entà celebrar-lo igualment? | Què haries entà celebrar eth Sant Jòrdi dera millhor manèra possible?

 <https://bit.ly/2zsexQF> | <https://bit.ly/3cAVbXA>



▲ Imatge deth video dera cançon Un Sant Jòrdi diferent

 <https://bit.ly/2VzuQ6N>

iniciativa: proposicion, idea naua.

comanda: encarque tà crompar bèra causa.

especializat: que se dedique a un encastre concret.

digitau: electronic.



CHALLENGES, T'I ATREVISSSES?

Creish eth fenomèn¹ enes hilats sociaus




N'i a de divertidi, esportius, hastiosi e solidaris. Parlam des challenges ('rèptes' en catalan), que mos hèn a interactuar damb es amics e s'estenen a trauès des hilats sociaus. Ja hè ans que circulen, mès damb era pandèmia deth coronavirus s'an popularizat encara mès, pr'amor qu'ajuden a combàter er engüeg e a compartir estones damb es auti.

Enes darrèri ans, bèri uns des rèptes que s'auien viralizat² metien en perillh era vida de qui ac provaue, coma es que se hègen selfies en lòcs fòrça perilhosi, per exemple, des de naut de tors fòrça nautes o precipicis³. Es que se hèn laguens de casa non son tan perilhosi, maugrat que bèth un a agut resultats inesperadi. Ei eth cas d'un influencer⁴ d'Estats Units, que hec eth rèpte de lecar era tassa neta deth vàter e acabèc contagiàt damb eth coronavirus.

Per un aute costat, es rèptes an servit tà hèr a conéisher quauqui hilats sociaus, coma Tik Tok, qu'a artenhut 14 milions de descargues⁵ en mens d'un an damb videos cuerti e rèptes diaris.

? Què ei un challenge? | Quini rèptes son perilhosi? | T'agrade participar en challenges? Perqué?



▲ Andrés Iniesta e era sua hemna hènt un challenge

viralizar-se: que se difon fòrça enes hilats sociaus.

precipici: penent d'ua montanha o d'un malh.

influencer: persona destacada enes hilats sociaus e damb ua cèrta influència sus es auti.



JUGUEM!

Cerca les operacions


Encercla, com en la mostra, 13 operacions de suma o resta que trobis d'esquerra a dreta i de dalt a baix.

5	9	2	7	8	3	5
2	5	7	4	4	2	1
6	3	2	3	7	7	7
3	7	6	1	11	9	7
1	10	3	5	4	13	6
4	7	9	3	5	7	13
8	1	7	8	9	6	2

Paraula amagada

Troba la paraula que es forma a la columna central després de posar les paraules següents al seu lloc. Ens n'ha sobrat una. Quina és?

BANC / TAULA / MIRALL / ARMARI / VITRINA /
TAMBORET / CALAIXERA



Troba-hi les 6 diferències



Troba el solitari

Quin és el dibuix que no té una còpia?



Posa-hi ordre

Ordena aquestes paraules i tindràs una dita del mes d'abril.

faltarà. -sents-blat-no-l'abril-d'ordi-Si-tronar,-i-per-en

el tricicle

Aprenentatge significatiu i vivencial

el tricicle

Una publicació de:

Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricicle.cat
eltricicle@eltricicle.cat

el tricycle

Setmanari per a nens i nenes



SOLUCIONS N. 164

Cerca les operacions

Encercla, com en la mostra, 13 operacions de suma o resta que trobis d'esquerra a dreta i de dalt a baix.

5	9 - 2 = 7		8 - 3 = 5		
2 + 5 = 7		4	4	2	1
6	3	2	3	7	7
3	+	7	=	11	9
+	10	3	5	4	13
1	=	7	3	5	7
4	7	9	=	9	6
8 - 1 = 7		8	9	6	2

Paraula amagada

Troba la paraula que es forma a la columna central després de posar les paraules següents al seu lloc. Ens n'ha sobrat una. Quina és?


BANC / TAULA / MIRALL / ARMARI / VITRINA /
TAMBORET / CALAIXERA

T	A	M	B	O	R	E	T
	T	A	U	L	A		
	V	I	T	R	I	N	A
C	A	L	A	I	X	E	R
B	A	N	C				
M	I	R	A	L	L		

Una publicació de:

Tracte Comunicació Global
Passeig Bertrand, 25, 2a
08980 Sant Feliu de Llobregat (BCN)
Tel. 619 787 788 - 93 782 45 13
eltricycle.cat
eltricycle@eltricycle.cat

Troba-hi les 6 diferències



Troba el solitari

Quin és el dibuix que no té una còpia?



Posa-hi ordre

Ordena aquestes paraules i tindràs una dita del mes d'abril.

faltarà.-sents-blat-no-l'abril-d'ordi-Si-tronar,-i-per-en
Si per l'abril sents tronar, d'ordi i blat no en faltarà.